

Rau Tau Paulus Iboode Pa Yes Epesus Efesus—Ephesians

¹ Yau Paulus. Maaron ighur ghau namin mbanjoona to Yesu Krisi itaghon tauu loolo. Nabood rau tane ilat pa yam tamtamon patabuyaana to Maaron tau aleep izi nugh Epesus, ve aghur ila to Yesu Krisi, ve apaak ila tooni. *

² Poia to Tamaan Maaron ve Tiina toit Yesu Krisi izaa tsiam, ve tingin gham aleep poia toman lolomim luuma. Onoon.

Krisi imin eez pa poia to Maaron izaa toit

³ Iit tapait Maaron tau Tiina toit Yesu Krisi Taama. Pa iit tau tapaak Krisi ve taleep ila tooni na, Maaron igham poghani ghiit, ve igham gabua popoia naol to nugh sambam pait, leso ipalot anunuun.

⁴ Aghita. Iit tau tapaak Krisi ve taleep ila tooni na, muun kat, saawe tau Maaron ighur sambam ve taan soone, i isiigh ghiit ighe igham ghiit tamin i le. Leso tamin tamtamon tooni patabuyaana, ve leen sosor eta ila i maata mako. *

⁵ Tauvene muun kat, Maaron loolo igheen toit, ve maata ingal ighe igham ghiit tamin i natja ila uraat to Yesu Krisi. Ene i itaghon tauu loolo ve poia tooni. *

* **1:1:** Mbanj 18:19, 19:1, 20:17+ * **1:4:** Ro 8:28+; Kol 1:22; 2Tes 2:13; 2Tim 1:9 * **1:5:** Yo 1:12; Ga 4:5

⁶ Maaron ighe tamtamon tipaiti pa poia tooni. Tauta igham poghani ghiit sorok itaghon tauu loolo ve ngar tooni, ve ighur poia tooni tiina kat iza to iit tau tapaak Naatu Yesu Kriisi ve taleep ila tooni. Naatu tana, Taama Maaron loolo igheen tooni kat. *

⁷ Poia to Maaron, ene tiina le tiina kat. Iit tamtamon tau tapaak Kriisi ve taleep ila tooni na, sinj tooni ipas ghiit tavot pa saghati tapiri, ve ireu sosor toit isov ilale. *

⁸ Tauvene Maaron ighur poia tooni tiina kat iza to. Ve i ipaghazonjai ghiit pa ngar popoia naol, leso taghazonjani. ⁹⁻¹⁰ Ngar yongana tooni tau igheen ila tauu loolo, tauta Maaron ipaghazonjai ghiit pani wa. Ngar tawe injarui Yesu Kriisi. Pasaa, Maaron ighe igham pooz pa gabua naol isov ila le ighe saawe duduun tau i tauu ighuru na ivot, mako ilup gabua naol isov tau tileep izi sambam ve taan na timin eemon, ve ighur zi tileep ila Kriisi saamba, ve Kriisi imin daaba pazi. *

¹¹ Saawe isov, Maaron igham gabua naol isov tivotvot itaghon tauu loolo ve ngar tooni. Iit tamtamon tau tapaak Kriisi ve taleep ila tooni na, muun kat, Maaron isiigh ghiit itaghon tauu loolo ighe igham ghiit tamin le. Tauta aazne tagham gabua popoia naol ila tooni. *

¹² Ve i ighe yei Yuda tau nighur ila to Kriisi imin maata na, nipaghazonjai tamtamon pa tapiri ve poia tooni, leso tipait eeza.

* **1:6:** Mt 3:17 * **1:7:** Ro 3:24; Kol 1:14; Hib 9:12; 1Pe 1:18+

* **1:9-10:** Ro 16:25+; Ep 3:9+; Kol 1:16, 26 * **1:11:** Ro 8:28+; 2Tim 1:9

¹³ Ve yam paam. Saawe tau aloon saveen onoon to vaaru poia ve aghur ila, yamja Krisi avalupu gham amin eemon. Pasaa, saveen tawe ipaghazonjai gham pa eez tau Maaron igham mulin gham ila uraat to Krisi. Ve Krisi ndaamo payam, tauta Maaron igham Avuvu Patabuyaaj payam itaghon saveen mbuaaj tooni. Avuvu tawe, ene imin ilaal payam ighe yam tamtamon tooni. *

¹⁴ Maaron Avuvu tau taghamu ne, ene imin pu-ughu pa gabua naol isov tau murei i pale igham pait. Leso taghur ila taghe ezaan pa ghamuun gabua tawe, ve tasaan saawe to i igham mulin ghiit, ve igham ghiit tala taleep tomania izi nugh sambam. Tauvene iit tapait Maaron eeza pa tapiri ve poia tooni. *

Sunuun to Paulus

¹⁵ Yau naloon varumim tighe yam aghur ila kat to Tiina toit Yesu, ve lolomim pa tamtamon patabuyaaja tisoov to Maaron ve aghamgham poghani zi. *

¹⁶⁻¹⁷ Saawe tana ve ilam, yau napul sunuun payam mako. Saawe isov, matag ingalngal gham ila sunuun tsiau. Tiina toit Yesu Krisi Taama Maaron, eeza tiina pa tapiri ve poia tooni. Yau napapaiti toman lolog poia kat pa uraat tau i ighamghamu ila sosomim. Ve nanoknok ghasoniin ni naghe tauu Avuvu igham gham aghilaal ngar popoia, ve ipaghazonjai gham pa Maaron ngar tooni, lesa awatagh katin Maaron. *

* **1:13:** Yo 14:16+; Ga 3:14; Ep 4:30; Syg 7:3 * **1:14:** Ro 8:23;
2Kor 1:22 * **1:15:** 1Tes 1:2+ * **1:16-17:** Kol 1:9; 2Pe 1:3

18 Ve naghe Maaron igham ghazonja tooni isul ila lolomim, leso aghilaal gabua popoia maata maata tau i ighe igham pa tamtamon tooni na. Ene gabua tau aazne yam aghurghur matamim pani na. I ipoi gham amin le, leso agham gabua tawe. Onoon kat, iit tamtamon to Maaron ezaan pa ghamuun gabua katini tau paghunazi kat. Tauta naghe yam awatagh katin zi. *

19 Ve naghason Maaron naghe igham gham aghilaal katin tapiri tau iuluul iit tamtamon tau taghur ila tooni. Tapiri tawe, ene tiina le tiina kat. Ighe tagham ngar pani, aat tarao mako. *

Aazne, Krisi ileep izi saamba ve ingin gabua naol isov

20 Maaron tapiri tau aazne iuluul ghiit ne, ene raraate imin tapiri tau ipaburigin Krisi pa mateegh, ve ighamu izala sambam gha mboole izi ila Taama Maaron niima tapir. *

21 Tauvene aazne, Krisi ileep ta saanja we, ve ighamgham pooz pa gabua naol isov. Yes pooza ve daaba tau tinginngin gabua, tomania gabua arianazi to sambam ve taan tau lezi tapirizi tiina na, gabua naol isov tau lezi ezazi, ene Krisi eeza ve tapiri iliiv zi kat, ve tisov tileep ila i saamba. Ta aazne, ve saawe murei paam. *

22-23 Pasaa, Maaron ighur gabua naol isov tileep ila Krisi saamba wa. Tauta i imin daaba pazi ve ighamgham pooz pazi. Ve pooz tooni, ene to iuul yes tau tileep ila lupuun tooni. Lupuun tana, ene

* 1:18: Mbanj 26:18; 2Kor 4:6 * 1:19: Ep 3:16; Kol 1:29 * 1:20: 2Kor 13:4; Kol 3:1; Hib 1:3+ * 1:21: Mt 28:18; Kol 1:16+; Pil 2:9+

imin Kriſi tauu anoonja. Ve i ileep ila lolozi ve ipavon zi pa tapiri ve poia tooni, imin i ipavon gabua naol isov, ve igham pooz pazi. *

2

Maaron igham lepoogh paaghu pait

¹ Muun, lepoogh tsiam, ene imin yes mateegha. Pasaa, lemim ngar eta pa Maaron mako, ve irau agham ngar poia eta mako. Saawe isov, yam amamalaan pa tutuun tooni, ve agham ngar sasaghati naol. *

² Saawe tana, laghoon tsiam, yam ataghon ngar to taan, ve alonloon Sadan aliinja. I daaba to yes avuvu sasaghati tau tilepleep izi sambam saamba, ve ipapazaagh yes tau tizoroor Maaron aliinja. *

³ Ve yam mon mako. Yei paam. Pasaa, muun iit tasov rarateen. Saawe isov, tataghon ngar sasaghati naol tau loloon munngaana ipapazaagh ghiit pani. Pasaa, iit tamtamon to taan gabuaan tauvene. Tipoop ghiit toman ngar saghati. Tauta muun, aatyavyav to Maaron igheen toit raraate imin tamtamon tisov to taan. *

⁴⁻⁵ Saawe tana, iit taleep imin yes mateegha. Leen ngar pa Maaron mako, ve irau tagham ngar poia eta mako. Saawe isov, tamamalaan pa Maaron tutuun tooni. Eemon Maaron, i poia puughu, ve loolo isaghatin ghiit. Ve loolo igheen toit kat ve ighe igham poghani ghiit. Tauta igham mulin ghiit itaghon tauu loolo ve poia tooni, ve

* **1:22-23:** Ro 12:5; 1Kor 12:27; Kol 2:10 * **2:1:** Kol 2:13 * **2:2:** Yo 8:44; Ep 6:12; Kol 3:6+ * **2:3:** Mbo 51:5; Ro 1:18+; Tit 3:3

ipaburigin ghiit tomania Kriisi gha tagham lep-oogh paaghu ila tooni. *

⁶ Ve aazne, ene imin i igham iit tamtamon tau tapaak Kriisi ve taleep ila tooni ne, gha itinja Kriisi tazala nugh sambam ve taleep tomania ila niia to ghamuun pooz. *

⁷ Ila uraat to Yesu Kriisi, Maaron igham poghani ghiit kat. Poia tau i itotoia pait, ene tiina le tiina kat. Pale taghuru izaa to saa? Mako. Gabua eta irao mako. I igham tauvene, leso ipaghazonjai poia tooni ivot ighazonj ta aazne, ve saawe murei paam. ⁸ Tauvene yam tau aghur ila to Kriisi na, Maaron igham mulin gham itaghton tauu loolo ve poia tooni. Gabua tana ivot itaghton ngar poia eta tau yam aghamu ne mako. Ene Maaron igham payam sorok. *

⁹ Tauvene i igham poghani gham itaghton ngar poia eta tau yam aghamu ne mako. I igham payam sorok. Leso tamtamon eta ipait tauu sov. ¹⁰ Iit tamtamon tau tapaak Kriisi ve taleep ila tooni ne, tamin gabua tau paghunazi kat. Maaron tauu ighur ghiit, ve igham ghiit tamin paaghu, leso tagham uraat popoia tau i tauu ighur zi pait pataghaan na. *

Kriisi ilup yes Yuda ve yes tau Yuda mako na timineemon

¹¹ Yam tau Yuda mako na, matamim ingal. Muun, yes Yuda tipapakur tauzi tighe yes, o tirav warozi. Ve tivevelegh gham tighe yam

* **2:4-5:** Yo 3:16; Kol 2:12+; Tit 3:4+ * **2:6:** Kol 3:1+ * **2:8:** Ro 3:24-28; Ga 2:16 * **2:10:** 2Kor 5:17; Ep 4:24; Tit 2:14

tirav waromim mako. Eemon uraat to ravuun tamtamon warozi, ene gabua to uliin mon tau tamtamon tigham pa nimazi. Ene igham gabua eta pa loloon mako. ¹² Saawe tana, yam aleep soghan pa Krisi, ve irau yamŋa Maaron tamtamon tooni Israela avalupu gham mako. Muun, Maaron yesŋa yes Israela timbu saveen to tivalupu zi timin eemon, ve i imbu saveen popoia naol pazi. Eemon yam lemim ezamim pa saveen mbuaan tawe mako. Pasaa, yam siŋ ite. Ve lepoghamim izi taan, ene aghilaal gabua popoia tau Maaron ighe igham pait ne mako. Pasaa, saawe tana, yam awataghi mako. *

¹³ Eemon aazne, yam amin Krisi le ve apaak ila tooni. Tauvene yam zeran tau muun aleep soghan pa Maaron na, Krisi siŋ tooni imin eez payam gha alam agharau Maaron wa. *

¹⁴ Tauvene Krisi tauu ta imin puughu pa luuma to Maaron ilam pait, ve igham ghiit itina Maaron tavalupu ghiit tamin eemon. Aghita. Muun, koi isap yes Yuda ve yes tau Yuda mako na sosozi imin didiin tiina, le irau tivalupu zi mako. Eemon saawe tau Krisi ibaad yavyavuun gha imaas, i ireu didiin tiina tawe izi, ve ilup zi timin eemon. * *

¹⁵⁻¹⁶ Muun, tutuun ve saveen ngalsekiin naol tau Mose isavia na, igham Yuda ve yes tau Yuda

* **2:12:** Ro 9:4 * **2:13:** Ro 5:2; Kol 1:20; Hib 12:23 * **2:14:** Tutuun naol to Mose isaav tauvene: Yes Israela aat tileep soghan pa yes tau Yuda mako na (Ughita Igham 23:24, 32-33, 34:12-16). Ve muun, didiin tiina ee ilivut Rumei Tiina. Didiin tawe, tighur paesiin katini igheen ila. Isaav tauvene: "Igha tamtamon eta tau Yuda mako na, imalaan pa didiin tane ve ilon ila, i aat imaas."

* **2:14:** Ro 5:1; Ga 3:28; Kol 1:20+

mako na tivaghuru koi pa tauzi ve tileep soghan soghan. Eemon saawe tau Krisi ibaad yavyavuun gha imaata izala ai pambaroon, i ipasov tutuun tomania ngalsekiin naol tawe. Tauta igham ngar luuma ivot, ve ilup yes tau tileep ila tooni na timin eemon. Pasaa, saawe tau i imaata izala ai pambaroon, i irav motin koi tau isap itinja Maaron sosoon na, ve ilup ghiit tomania Maaron tamin eemon. Tauta ipasov koi tau muun isap Yuda ve yes tau Yuda mako na sosozi paam, ve ilup zi timin lupuun eemon. *

¹⁷ Ve i ilam ivotia saveen luuma pait ighe: “Aleep toman lolomim luuma. Pa koi isap yamja Maaron sosomim muul mako.” Saveen tane ilat pa yam tamtamon tau muun aleep soghan pa Maaron na, ve injarui yei Yuda tau nileep nigharauu ne paam. *

¹⁸ Pasaa, Krisi ta imin eez pa Avuvu eemon ilup ghiit tasov, ve Avuvu tana iuluul ghiit to tala tagharau Tamaan Maaron, leso itinja tasavsaav. Yam tau Yuda mako na, ve yei Yuda paam. *

¹⁹ Tauvene aazne, yam amin loomba, ma sumbu muul mako. Yam amin Maaron tamtamon tooni, ve yamja tamtamon tooni patabuyaaja asov to nugh sambam. *

²⁰ Yam amin rumei to Maaron malimoonja siriv. Rumei tawe, Maaron irao iyooz izala yes mbanjoona to Krisi ve yes propet uraat toozi. Ve Yesu Krisi, i maet tau imin puughu pa rumei tana ve ipaloti. ²¹ Ve ikisiir rumei malimoonja tisov

* **2:15-16:** Kol 2:14 * **2:17:** Is 57:19; Lu 2:14; Mbanj 10:36

* **2:18:** Ro 5:2; Ep 3:12; Hib 10:19+; 1Pe 3:18 * **2:19:** Pil 3:20; Hib 12:22+

tigheen tunja ila niazi, ve ighamgham uratoini, leso iza a imin tiina, ve imin Neer Tiina niia patabuyaana to lepoogh. *

²² Tauvene yam paam, yamja tamtamon tisov tau tipaak Krisi ve tileep ila tooni na, Krisi ighamgham uratoi gham, ve iluplup gham. Leso amin Maaron Avuvu niia to lepoogh. *

3

Paulus le uraat to ivotia ngar yongaana to Maaron pa nugh nugh tau Yuda mako

¹ Puughu tane ta yau Paulus naghe naghur gham ila sunuun tsiau. Yau besoonja to Yesu Krisi, ve naghamgham uraat to nauul yam tamtamon tau Yuda mako na. Tauta tighur ghau naleep ila ruum to yavyavuun loolo. *

² Yam aat aloon varug wa. Maaron ighur uraat ila nimag to nauul gham, leso awatagh eez tau i itotoi poia tooni pait ve igham mulin ghiit. *

³ Eez tane, muun iyoona. Eemon Maaron ivotia payau gha naghazoon pani wa. Ngara siriv ta yau nasavia ila rau tsiau wa. ⁴ Ighe awaat rau tane, ene pale aghilaal aghe uraat to Krisi ngara, ene yau naghazoon pani. Ngar tana, muun iyoona. Ve aazne, Maaron ivotia ighazoon wa. ⁵ Ta muun ve ilam, Maaron ivotia ngar tana pa iit tamtamon mako. Eemon aazne, ila uraat to tauu Avuvu, i ivotia ngar tana pa yes mbanoonja tooni patabuyaana ve yes propet siriv, le ivot ighazoon. *

* **2:21:** Mt 16:18; 1Kor 3:11; 2Kor 6:16 * **2:22:** 1Pe 2:5 * **3:1:** Ep 4:1; Pil 1:7; Kol 4:3 * **3:2:** Mban 9:15; Ga 2:7 * **3:5:** 2Pe 1:21

⁶ Ngar yongaŋa tana, ene vene: Yes tau Yuda mako na, vaaru poia imin eez pazi gha timin Kriŋi le ve tipaak ila tooni. Tauta aazne, yesŋa yes Yuda timin lupuuŋ eemon, ve yesŋa ezazi pa ghamuuŋ lep-oogh poia ila to Maaron itagħon saveeŋ mbuaaŋ tooni. *

⁷ Yau, Maaron igham poghani ghau itagħon tauu loolo ve poia tooni, ve tapiri igham uratoi ghau, tauta namin besoonŋa tooni, ve leg uraat to navotia vaaru poia tane pa tamtamon. *

⁸ Onoon, yau poiag mako. Ngar sagħati tau muuŋ nagħamghamu na, ene igham ghau naleep murei geeg pa Maaron tamtamon tooni tisov. Eemon Maaron igham poghani ghau kat itagħon tauu loolo ve poia tooni, ve ighur uraat ila nimag to navotia Kriŋi vaaru pa nugh nugh tau Yuda mako na. Leso tiwatagħ Kriŋi tapiri tomania ŋgar popoia maata maata tau igheen tooni, ve gabua popoia tau i ighe igham pait. Gabua tawe, ighe tagħam ŋgar pani, ene aat ŋgar toit imbool. *

⁹ Maaron ighur gabua naol isov tivot. Muuŋ ve ilam, i ivotia ŋgar tooni ighazoonŋ mako. Igheen to tauu mon. Eemon aazne, i ivotia ighazoonŋ wa. Ve ighe yau napagħazonŋai tamtamon tisov pani, lesa tiwatagħ eez tau i igham ŋgar tooni yongaŋa tawe ighur anoonŋa. *

¹⁰ Maaron igham tauvene, lesa yes aŋela tomania gabua arianŋazi siriv tau tileep izi sambam ve tighamgham pooz na, matazi izilam pa iit tamtamon tau taleep ila lupuuŋ to Kriŋi ne, ve tighilaal

* **3:6:** Ga 3:14, 28+; Ep 2:14+ * **3:7:** Ro 1:5; Kol 1:23+ * **3:8:**

1Kor 15:9+; 1Tim 1:13+ * **3:9:** Ro 16:25+

ngar popoia maata maata tau igheen to Maaron. *

¹¹ Gabua naol tane itaghon Maaron tauu ngar tooni tau igheen muun geeg ve ilam, saawe tau sambam ve taan tivot soone. Ve aazne, Tiina toit Yesu Krisi igham anoonja ivot wa. ¹² Tauvene iit tau taghur ila to Krisi ve tapaak ila tooni ne, irau tala tagharau Maaron ve tasavsaav tomania. Taroi sov. Pa iit tawatagh: Gabua eta ipoon ghiit pani muul mako. *

¹³ Tauvene onoon, uraat tau yau naghham payam, tauta imin puughu payau gha aazne nabaad patanjani. Eemon naghe napalot gham tauvene: Patanjani tau nabaado ne, igham lolomim ipatanjan ve itatan gham sov. Ayooz ariaan, ve tintinmim. Pa uraat tsiau tane pale imin eez payam to aleep tomania Maaron ila mbonari loolo. *

Sunjuun to Paulus

¹⁴ Yau naghham ngar pa ngar popoia naol tau Tamaan Maaron igham pait na, tauta naput agheg pani [ve naghe naghur gham ila sunjuun tsiau.]

¹⁵ Maaron, i imin puughu pa gabua naol isov. Gabua to sambam ve gabua to taan paam. Ve i imin tamazi, ve yes tisov tigham ezazi ila tooni.

¹⁶ Maaron toit, i eeza tiina kat pasaa, i irau kat pa tapiri, ngar, ve gabua popoia maata maata. Yau naghasoni naghe igham Avuvu Patabuyaany ileep tunja ila lolomim, ve ipariaan gham pa tauu tapiri, leso ayooz ariaan. *

* **3:10:** Ro 11:33; 1Pe 1:12 * **3:12:** Yo 14:6; Ro 5:2; Ep 2:18; Hib 10:19 * **3:13:** Pil 1:12+; Kol 1:24 * **3:16:** 1Kor 16:13; Ep 6:10; Kol 1:11

¹⁷ Ve naghe i igham gham aghur ila to Krisi kat, ve Krisi ileep tunja ila lolomim. Ve akis ngar to loloon pa Maaron ve tamtamon ariaan imin ai waria ikor taan, ve ayooz ila ngar tana. *

¹⁸ Ve naghe yamja Maaron tamtamon tooni patabuyaana asov aghilaal ngar to Krisi tau i loolo ighen toit kat. Ngar tooni tawe, ene tiina le tiina kat. Pale taghuru izaa to saa? Pasaa, ila le ila malau kat, ve izala le izala saana kat, ve izila le izila kat. *

¹⁹ Naghe Maaron igham gham aghilaal katin ngar to Krisi tau loolo ighengheen toit ne. Eemon aat arao mako. Pasaa, ngar tooni tana iliiv iit tamtamon ngar toit. Isaav igha Maaron igham gabua naol tana ivot payam, ene aat ipavon gham pa tapiri ve ngar tooni popoia naol isov. *

²⁰ Maaron tapiri tau aazne ighamgham uraat ila loloon ne, ene tiina le tiina kat. Tauvene saa gabua tau igha taghason pani, ma mataan ingali, ene i irau igham pait. Ve tane mon mako. Gabua katini tau iit tagham ngar pazi mako na, i irau igham zi paam. Pasaa, gabua eta ikeeka mako. ²¹ Tauvene iit tau tapaak ila to Krisi ve taleep ila lupuun tooni ne, aat tapait Maaron eeza pa tapiri ve poia tooni irau saawe. Ta aazne, ve taghon taghon gha ila. Onoon.

4

Gabua siriv tau ilup Krisi tamtamon tooni timin eemon

* **3:17:** Yo 14:23; Kol 1:23, 2:7

* **3:18:** Mbo 103:11; Kol 2:2+

* **3:19:** Kol 2:10

¹ Yau naleep ila ruum to yavyavuun loolo pasaa, namin Tiina toit Yesu le, ve naghamsgham uraat tooni. Yau naghe napalot gham tauvene: Maaron igham poghani gham, ve ipoi gham gha amin i le wa. Tauvene laghoon tsiam, yam aat ataghon ngar poia tau iduduun pa poin tooni tawe. Yam aat ataghon ngar tauvene: *

² Apait taumim ezamim sov. Saawe isov, yam aat atatan ezamim izila kat, ve ataghon ngar marowa. Ve isaav ighe tamtamon tigham saghatin gham, yam ayatu sov. Abaado mon, ve aghur lolomim pazi, ve agham poghani zi. *

³ Iit tamtamon to Krisi, Maaron Avuvu ilup ghiit tamin eemon wa. Tauvene yam aat ataghon ngar luuma. Pa ngar tana, ta ikis lupuun to Krisi, leso tavalagh ghiit sov, ve taleep poi. *

⁴⁻⁶ Aghita. Lupuun eemon to Krisi ta ighengheen. Ene iit tamtamon tooni tau tamin Krisi anoonja. Ve Maaron Avuvu eemon ta ilepleep. Ve saawe tau Maaron ipoi gham amin le, i ipoi gham to aghur matamim pa gabua eemon. * Ve Tiina toit eemon, ghuruun ila toit eemon, ghamuun yaa toit eemon, ve Tamaan eemon. Ene Maaron. Gabua naol isov tileep ila i saamba, ve i igham uraat ila gabua naol isov sosozi, ve ileep ila lolozu. *

Maaron ighur uraat maata maata irau iit enjaenja

* **4:1:** Ep 3:1; Pil 1:27; 1Tes 2:12 * **4:2:** Ga 5:22+; Kol 3:12+; 1Tes 5:14 * **4:3:** Kol 3:14+ * **4:4-6:** Iit Kristen taghurghur mataan pa saawe to itinja Krisi tavalupu ghiit izi nugh sambam, ve taleep ila yesuru Taama Maaron mbonarizi. * **4:4-6:** Ro 11:36, 12:5; 1Kor 8:6, 12:13; Kol 1:5

⁷ Krisi igham poghani ghiit, ve irei tapiri tiina ve ngar popoia maata maata irau iit enaenja. *

⁸ Saveenja ighen pataghaan wa. Ighe:

“I iparav le iliiv koinja. Ve saawe tau izala saanja, igherev eval tiina tau i iyau zi timin le na gha yesja tila, ve irei gabua popoia pa tamtamon.” *

⁹ Saveenja tau ighe i izala saanja na, puughu tauvene: I izala mon mako. Papazoge i izilam taan, ve imaat gha izila kat mateegha nugh toozi. Ve iburig muul, tauta izala. *

¹⁰ Tauvene neer tau izilam taan, tauta imuul izala pa sambam tau ighen saanja le saanja kat we. Leso ileep irau nugh ta naol ne, ve inginiir gabua naol isov. *

¹¹ Krisi ighur uraat maata maata ila nimaan, leso tapalot lupuun tooni. Tamtamon siriv timin mbanjoona tooni, siriv timin propet, ve siriv tivovotia vaaru poia pa yes tau tighur ila mako na. Ve siriv lezi uraat to nginiin lupuun to Krisi, ve tipaghazonjai tamtamon pa Maaron aliinja. *

¹² Krisi ighur uraat tauvene ila nimaan, leso tapalot Maaron tamtamon tooni, ve anazi tibeas poi pa Maaron ve tamtamon paam, ve tigham ura-toi lupuun to Krisi le ivot kat itaghon ngar tooni.

¹³ Iit aat taghamgham tauvene, le iit tasov ghu-ruun ila toit raraate ve tawatagh katin Maaron Naatu. Leso lupuun toit eemon, ve ngar toit imatu-ugh, ve tataghon suvinia ngar to Yesu Krisi. *

* **4:7:** Ro 12:6; 1Kor 12:4+ * **4:8:** Mbo 68:18; Kol 2:15 * **4:9:**

Yo 3:13 * **4:10:** Mbanj 1:9; Ep 1:20+; Hib 4:14 * **4:11:** Ro 12:6+;

1Kor 12:27+ * **4:13:** 2Kor 3:18; Kol 1:28, 2:2

14 Tauvene iit tataghon ngar imin yes geegeu muul sov. Pa geegeu tikis Maaron aliinja tunja mako. Yes timin waan tau yaghur ve dibom iva-tokini ilala ilamlam. Isaav ighe zeran tau tirau kat pa ghamuun karom na, tilam ve tiwat zi, ene pale rekia mon ve tighur ila karom toozi, ve tipul eez to Maaron. *

15-16 Eemon iit tagham tauvene sov. Iit aat loloon pa tamtamon ve tagham poghani zi, ve tasavia saveen onoon mon pazi. Ve tazuari ghiit le tataghon dudunai ngar isov to Krisi, ve tapaak ila tooni tunja. Pasaa, i ta imin daaba pait, ve iit tau taleep ila lupuun tooni ne, tamin i anoonja siriv siriv. I ilup ghiit tamin eemon, ve ikis ghiit tunja, leso tagham uraat toit toit. Ve uraata tooni timin senjaan, ve tikor anoonja siriv siriv tawe, ve tikis zi timin eemon, ve tipapalot zi. Isaav ighe loloon pa tauun, ve iit enjaan tagham dudunai uraat toit toit, ene aat lupuun to Krisi ivot imin tiina, ve iyaryaan. *

Tataghon ngar paaghu to Krisi

17-18 Tauvene yau nasaav ariaan payam ila Maaron eeza: Yes tau tiwatagh Maaron mako na, yam ataghon ngar toozi muul sov. Pa ngar toozi le anoonja poia eta mako. Ngar toozi iyaryaan tighe tizoor Maaron aliinja ve titaghon ngar to ndoroom. Tauta ikau ngar toozi le tileep soghan pa lepoogh poia tau iit taghamu ila to Maaron ne. *

19 Matazi saghati kat. Ve mayazi rigta mako. Tila pa naghozi mon. Saa ngar to uliin tau matazi

* 4:14: 1Kor 14:20; Yems 1:6 * 4:15-16: Ep 1:22; Kol 1:18, 2:19

* 4:17-18: Ro 1:21; Ep 2:12; 1Pe 4:3

ingali, ene tighamu mon. Tauta tighamgham ngar sasaghati naol tau ingalaan ila Maaron maata mako. *

²⁰ Laak, saawe tau yam aghur ila to Krisi, ve tipaghazonai gham pa eez tooni, tisaav payam to ataghon ngar tauvene? Mako kat! ²¹ Yau nawatagh: Yam aloon Yesu vaaru, ve tipaghazonai gham pa saveen onoon tau igheen tooni na le ag-hazon pan. ²² Yes tisaav payam tauvene: Muun, lolomim ipapazaagh gham pa ngar sasaghati naol tau le anoonja mako. Eemon aazne, yam aat apul murimim pa ngar mungaana tana imin nonoghiina tau aghita isaghat ve asiki ilale. Ataghoni muul sov. Pa ngar tauvene, pale ivaghamun gham. *

²³ Ve tisaav payam tighe yam aat apul Maaron itoor ngar tsiam tomania lolomim imin paaghu. *

²⁴ Maaron ighe igham ngar tsiam imin paaghu kat, leso ataghon saveen onoon, ve ngar tsiam iduduun ve patabuyaana imin i tauu. Tauvene yam aat agham ngar paaghu ila tooni, imin tamtamon tau iyol ghi pa nonoghiina paaghu. *

²⁵ Tauvene, yam asov apul ngar to ghamuun karom ileple, ve asavia saveen onoon mon pa taumim. Pa iit tamin Krisi anoonja siriv siriv, ve i ilup ghiit tamin eemon wa. *

²⁶ Isaav ighe atemim yavyav, na ayamaan gham. Pale agham sosor. Tauvene agharaat lolomim pataghaan le isov, o aaz izila. *

* **4:19:** Ro 1:24; Kol 3:5; 1Tes 4:5

1Pe 2:1 * **4:23:** Yo 3:3; Ro 12:2

3:10 * **4:25:** Sek 8:16; Kol 3:8+

Yems 1:19+

* **4:22:** Kol 3:7+; Hib 12:1;

* **4:24:** Ro 6:4; 2Kor 5:17; Kol

* **4:26:** Mbo 37:8; Mt 5:22+;

27 Aghur sooso pa Neer Saghati sov. *

28 Ve yes umbuunja tium irao. Yes aat tiburig, ve tigham uraat popoia siriv pa tauzi nimazi. Leso tigham lezi gabua ve tiuul yes mbolaanja. *

29 Ve saveen saghati eta ivot ila avomim sov. Asavia saveen popoia mon tau irau iuul tamta-mon, ve ipalot zi pa saa ngar tau timbool pani na. Leso saveen tsiam imin eez pa poia to Maaron iza toozi. *

30 Ve agham Avuvu Patabuyaanj to Maaron loolo ipatajan sov. Pa i ta imin ilaal payam ighe yam amin Maaron le wa. Isaav ighe i ileep ila lolomim, na yam awatagh: Saawe tau Kriisi imuul ilam, i aat igham mulin gham, ve aleep poi. *

31 Tauvene ngar to nunuaanj, ateen yavyav, kisiinj aatyavyav toit, kokaanj, bobaanj soroksorok, ngaliinj saveen, ve sikiinj saveen veleghiinj, tomania ngar sasaghati siriv paam, na igheen ilat tsiam sov. Apuliir zi tisov tileplez. 32 Ve avaghamu poghani gham, lolomim isaghatin zeetmimnja, ve avagharatoi lolomim ve apul sosor to zeetmimnja, imin Maaron ireu sosor tsiam ila uraat to Yesu Kriisi. *

5

1-2 Maaron loolo igheen tsiam kat, ve igham gham amin i tauu natja. Tauvene laghoonj tsiam, yam aat ataghon ngar tooni, ve lolomim pa tamta-mon tisov ve agham poghani zi, imin Kriisi loolo

* 4:27: Ep 6:11; Yems 4:7; 1Pe 5:9 * 4:28: Igham 20:15; 1Tes 4:11+; 2Tes 3:8+ * 4:29: Ep 5:4; Kol 3:8, 4:6 * 4:30: 2Kor 1:22; Ep 1:13+; 1Tes 5:19 * 4:32: Mt 6:14; Kol 3:13

pait ve ipul tauu gha imaat pait. Ngar tau i ighamu na, ene igham Maaron loolo poia imin watoonrau tau vaazi poia kat. *

Taleep saghan pa ngar sasaghati

³ Ngar to ghuruun boog, ngar to mataan saghati imin ngavuun, ve ngar to mataan gabua, yam aleep saghan pani. Ngar tauvene ivot ila sosomim sov, ve asavia rigta sov. Pa yam amin Maaron tam-tamon tooni patabuyaana wa. Isaav ighe agham ngar tauvene, ene iduduun mako. *

⁴ Ve saveen saghati eta ivot ila avomim sov. Tau-vene asavia saveen malwaata sov, ayau avomim pa saveen soroksorok sov, ve asavia saveen saghati imin mogheraan sov. Pa ngar tauvene, ene iduduun mako. Yam irau apait Maaron pa poia tooni toman lolomim poia. *

⁵ Ve aloon. Isaav ighe tamtamon eta ighurghur boog, ma maata saghati imin ngavuun, ma maata gabua, ene i ileep ilon ila pooz to Krisi mako, ve eeza pa ghamuun lepoogh poia izi Maaron nugh tooni mako. Pasaa, ngar tauvene, ene imin tabees pa maaron karom. *

⁶ Tauvene matamim imomoos poi pa taumim. Mako pale tamtamon titombaan gham pa saveen toozi soroksorok, ve tigherev gham pa ghamuun ngar sasaghati naol tau yau nasavi zi ne. Ve yam awatagh: Yes tau tizoroor Maaron, ve tinoknok

* **5:1-2:** Mt 5:48; Yo 13:34; 1Pe 1:15+; 1Yo 3:16
6:18+; Ga 5:19; Kol 3:5; 1Tes 4:3

* **5:3:** 1Kor
* **5:4:** Ep 4:29
* **5:5:** 1Kor 6:9; Syg 21:8

ghamuun ngar tauvene, ene pale aatyavyav to Maaron iza toozi. *

⁷ Tauvene yam apaak zi pa ngar toozi tawe sov. Aleep soghan pazi.

Tataghon ngar to ghazoonja

⁸ Muun, yam ataghon ngar to ndoroom. Eemon aazne, yam apaak Tiina toit Yesu, ve ghazoonja tooni isul gham. Tauvene laghoon tsiam, yam aat ataghon ngar to ghazoonja. ⁹ Ghazoonja to Krisi, anoonja tauvene: ngar popoia maata maata, tomanja ngar duduunja, ve saveen onoon. *

¹⁰ Ve azuari gham to aghilaal ngar tau igham Maaron loolo poia. *

¹¹⁻¹² Ngar to ndoroom, le anoonja poia eta mako. Tauvene yam aleep soghan pani. Ve yes tau titaghon ngar tauvene na, avotia sosor toozi, leso tighilaalo, ve tipuli. Pa ngar tau tighamghamu imin ngozaan na, ene saghati kat. Ighe tasavia, ene pale mayaan. *

¹³ Eemon ghazoonja to Krisi ipaghazonjai gabua naol isov tivot tighazoon. *

¹⁴ Ve ghazoonja tooni isul zi, ve itoor zi. Leso anazi titotoi ghazoonja tooni. Puughu tane ta tisavsaav tighe:

“Yo tau ugheen na, uburig pa mateegh. Leso ghazoonja to Krisi isul ghom.” *

Ngar to yes tau titaghon pooz to Avuvu Patabuyaaj

* **5:6:** Ro 1:18; Kol 3:6 * **5:9:** Ro 13:12; 1Yo 1:7, 2:9+ * **5:10:** Ro 12:2 * **5:11-12:** Mt 18:15; 1Kor 5:9+; 2Kor 6:14 * **5:13:** Yo 3:20+ * **5:14:** Ro 13:11

¹⁵ Tauvene matamim pa laghoonj tsiam poi. Yes tau tikankaan pa Maaron ngar tooni na, yam ataghon zi sov. Yam aat aleep imin yes tau tighazoonj pa Maaron ngar tooni.

¹⁶ Isaav ighe yam irau agham ngar poia, na aghamu pataghaan. Pa aazne, taleep ila saawe saghati. Tauvene takankaan pa murei. Pale irau aghamu, ma mako?

¹⁷ Tauvene agham ngar to yes kankanoonja sov. Azuari gham le aghazoonj pa ngar tau Maaron loolo pani na. *

¹⁸ Ve aghun yaa ariaanja le avaghamgham sov. Pale agham ngar naol tau ivaghamunia taumim. Yam aat apul Avuvu Patabuyaanj ipavon gham pa ngar tooni ve tapiri, ve igham pooz payam irau saawe. *

¹⁹ Saawe tau alup gham, asavia mbounj to yes Israela, ve ambou mbounj to sunjuunj tomania mbounj siriv tau Maaron Avuvu igham payam na paam. Leso apait Maaron eeza, ve apariaanj taumim paam. Yam aat ambou toman lolomim ve apait Tiina toit Yesu. *

²⁰ Ve saa gabua tau ighe ivot payam, poia ma patanjani, na lolomim poia pa Tamaan Maaron, ve apaiti ila Tiina toit Yesu Krisi eeza irau saawe. *

²¹ Yam aroron pa Tiina toit Yesu Krisi, ve aghe ataghon ngar tooni. Tauvene atatan taumim ve aleep ila zeetmimnja sambazi. *

Saveenj tau injarui yes vaivainja

* **5:17:** Ro 12:2 * **5:18:** Lu 21:34; Ro 13:13 * **5:19:** Kol 3:16

* **5:20:** Kol 3:17; 1Tes 5:18; Hib 13:15 * **5:21:** 1Pe 5:5

²² Tauvene yam zilivaa, aleep ila azuwamimɲa sambazi ve ataghon ngar toozi, raraate imin aleep ila Krisi saamba ve ataghon ngar tooni. *

²³ Pa azuwamimɲa zitamoot, yes timin daaba payam, ve tigham pooz payam, raraate imin Krisi imin daaba pa lupuuɲ tooni, ve ighamgham pooz pazi. Lupuuɲ tooni, ene imin i tauu anooɲa. Ve i ipul tauu gha imaata pazi, tauta igham mulin zi gha tileep poi. *

²⁴ Tauvene yam zilivaa aleep ila azuwamimɲa sambazi, ve ataghon ngar toozi pa gabua naol isov, raraate imin lupuuɲ to Krisi tileep ila i saamba, ve titaghon ngar tooni.

²⁵ Ve yam zitamoot, lolomim igheen to azuwamimɲa kat ve agham poghani zi, raraate imin Krisi loolo igheen to iit tau taleep ila lupuuɲ tooni ne, ve ipul tauu gha imaata pait, ²⁶ leso igham ghiit tamin Maaron tamtamon tooni patabuyaana. Ve irughuuz ghiit pa yaa tomania saveeɲ tooni, tauta tangalaan ila Maaron maata wa. *

²⁷ Pasaa, i ighe lupuuɲ tooni ivot kat [imin livaa tau ighe ivai ve igharaat ghi le paghuuna kat]. Leso saawe to Mbon Murei, i igham iit tau taleep ila lupuuɲ tooni ne, ve itina tavalupu ghiit tamin eemon, ve iit popoiaan ila i maata. Leen sosor eta mako, ve ngar saghati eta igheen toit muul mako, ve tataghon ngar patabuyaana mon. *

²⁸ Tauvene yam zitamoot aat ataghon Krisi ngar

* **5:22:** Gnp 3:16; Kol 3:18; 1Pe 3:1+ * **5:23:** 1Kor 11:3; Ep 1:22+;
 Kol 1:18 * **5:26:** Yo 15:3; Ga 1:4; Kol 3:19; 1Pe 3:7 * **5:27:** 2Kor
 11:2; Kol 1:22; Tit 3:5; Hib 10:22

tooni tawe paam, ve lolomim pa azuwamimɲa ve agham poghani zi, imin lolomim pa taumim anonjamim. Pa ɲeer tau ighe loolo pa azaawa ve igham poghania, ene i loolo pa tauu ve iuul tauu paam. ²⁹ Aghita. Tamtamon eta ighur koi pa tauu anooɲa mako. Iit tasov mataan pa tauun anooɲaan ve tangini poi. Kriisi itaghon ɲgar raraate mon pa iit tamtamon tau taleep ila lupuuɲ tooni ne. ³⁰ Pasaa, iit tamin i tauu anooɲa siriv siriv. *

³¹ Saveeɲ to Maaron igheen pataghaaɲ tauvene:

“Puughu tane ta tamoot eta ighe ivai, i aat ipul taama ma tiina, ve yesuru azaawa tivalupu zi timin eemon.” *

³² Saveeɲ tane, ɲgara tiina, ve puughu yooɲaaɲa igheen ila. Ene nasavia vaiɲ ɲgara siriv tau iɲarui Kriisi ve lupuuɲ tooni. *

³³ Eemon saveeɲ tane iɲarui ghiit paam. Tauvene yam zitamoot asov lolomim igheen to azuwamimɲa ve agham poghani zi, imin lolomim pa taumim. Ve yam zilivaa atandagh pa azuwamimɲa, ve apakur zi.

6

Saveeɲ iɲarui yes geegeu tomania tamazɲa ve tinazɲa

¹ Yam geegeu amin Tiina toit le wa. Tauvene alooɲ tamamimɲa ve tinamimɲa aliɲazi. Pasaa, ɲgar tane, ene iduduun ila i maata. *

²⁻³ Alooɲ Maaron aliɲa tane:

* **5:30:** Ro 12:5; 1Kor 12:27

* **5:31:** Gnp 2:24; Mt 19:5

* **5:32:**

Syg 19:7 * **6:1:** Kol 3:20+

“Matam lonlonjai pa tamam gha tinam, ve utandagh pazi.” *

Tutuun tane, ene tutuun imin maata tau saveen mbuaan igheen ila. Saveen tauvene:

“Leso uleep poi, ve uleep malau izi taan.”

⁴ Ve yam tamazna, avaghamunia natumimna lolozu sov. Pale agham zi atezi yavyav sorok. Yam aat angin zi poi, ve apaduduun zi toman saveen marowa itaghon eez to Tiina toit. *

Saveen injarui yes besoonja sorok ve daaba toozi

⁵ Yam besoonja sorok, aloon daaba tsiam alinjazi ve atandagh pazi, ve abees pazi poi toman lolomim, raraate imin abesbees pa Krisi. *

⁶ Agham karom pa uraat sov. Besoonja siriv, isaav ighe daaba toozi tileep tomani zi ve tighit zi pa uraat toozi, ene pale tigham katin uraat, lesu tigham zi lolozu poia. Ve saawe tau daaba toozi tipul zi ve tila, mako tigham poghania uraat mako. Yam agham tauvene sov. Pa yam besoonja to Krisi. Tauvene yam aat agham uraat tsiam toman lolomim. Lesu ataghon Maaron ngar tooni.

⁷ Tauvene tinimim ibees pa uraat tsiam. Pa uraat tau aghamghamu na, yam agham pa tamtamon mon mako. Yam agham pa Tiina toit Yesu paam.

⁸ Ve yam awatagh: Saa uraat poia tau ighe iit taghamu, ene aat Maaron igham leen atuya poia itaghon uraat to iit enjaena. I pale igham tauvene pa tamtamon tisov. Yes besoonja sorok, ve yes tau besoonja mako ve tingin tauzi na paam. *

* **6:2-3:** Igham 20:12; Mt 15:4 * **6:4:** Lo 6:7; Lp 22:6 * **6:5:**
Kol 3:22; 1Tim 6:1; Tit 2:9+; 1Pe 2:18 * **6:8:** Mt 25:34+; 2Kor 5:10

⁹ Ve yam daaba paam, atotoi ngar to Krisi pa be-soonja tsiam. Aparoi zi sorok sov. Pa yam awatagh: Yamja besoonja tsiam lemim daaba eemon. I Tiina tsiam tau ileep izi sambam. Ve i igham ngar pa tamtamon ezazi mako, ve ivool to tamtamon eta mako. I itaghon ngar eemon pa tamtamon tisov. *

Gabua to malmal tau Maaron igham pait

¹⁰ Yau naghe naparwai saveen tsiau tane, ve isov. Yam aat agham tapirimim ila to Tiina toit. Pasaa, i saksaki, ve tapiri tiina kat. *

¹¹ Ve yam aat agharaat gham pa gabua isov to malmal tau Maaron igham pait. Leso saawe tau ighe Neer Saghati iwat gham ma itombaan gham na, yam aat ayooz tunja. *

¹² Pa yam awatagh. Itinja tamtamon to taan taparav mako. Aazne, gabua sasaghati naol tau tapirizi ve ezazi tintiina na timin koiaanja ve tapaparav tomani zi. Gabua tawe tileep ila niazi ta saanja we, ve tighamgham pooz toman tapirizi, leso tipalot ngar to ndoroom izi taan. *

¹³ Tauvene yam aat agharaat gham, ve aghur gabua isov to malmal tau Maaron igham pait. Leso saawe tau ighe tovaan saghati ivot payam, na yam ayooz tunja, ve aparav ariiaan le aliiv tovaan tana. Eez to ayooz tunja, ene vene: *

¹⁴ Yam aat akis saveen onoon, ve atagthoni toman lolomim. Pa ene imin puus to ikis nonoghiinja

* **6:9:** Ro 2:11; Kol 4:1 * **6:10:** 1Kor 16:13; 2Tim 2:1 * **6:11:** Ro 13:12+; 2Kor 10:4 * **6:12:** Ep 2:2; 1Pe 5:8+ * **6:13:** 2Kor 6:7, 10:4

tsiam. *

Ve yam aat ataghon ngar duduunja. Pa ene imin gabua ariaanja to ipoon gargarimim pa zaab. *

¹⁵ Ve vaaru poia tau isavia eez to itinja Maaron ve tamtamon tavalupu ghiit tamin eemon na, yam aat agharaat gham pa votiaanji irau saawe. Pa ngar tauvene pale ipalot gham imin azuz zuzuunja to aghemim ve alaagh. *

¹⁶ Tauvene yam ataghon ngar isov tana, ve akis ghuruun ila tsiam ariaanj. Pa ghuruun ila tsiam, ene imin sigheu to ipoon gham pa paneegh natja tisov to Neer Saghati tau yav ighanghan ila matazi na. ¹⁷ Ve uraat to Yesu Krisi tau igham mulin ghiit na, aghamu imin lemim. Pa ene imin hat ariaanja to ipoon dabamim pa zaab. Ve saveenj to Maaron tau Avuvu Patabuyaanj igham pait na, yam akisi imin lemim mbuzaagh. *

¹⁸ Ve asunj itaghon pooz to Avuvu Patabuyaanj irau saawe. Aghason Maaron to iuul gham pa gabua ta naol ne. Ve tinimim imum pa sunjuun sov. Ama-maat ariaanj, ve aghur Maaron tamtamon tooni patabuyaanja tisov tila sunjuun tsiam. *

¹⁹ Ve aghur ghau ila sunjuun tsiam paam. Asunj Maaron to ipalot ghau ve igham pooz pa saveenj tsiau. Leso saawe tau navotia mos tooni pa tamtamon, naroi sov, ve napaghazonjai zi kat pa vaaru poia tau muun iyoon ve aazne ivot ighazonj wa. *

* **6:14:** Saawe tau yes zaaba to Rom tila pa malmal, tiput nonoghiinja toozi iza, ve tipoosi pa puus. Leso tilaan kat. * **6:14:** 1Tes 5:8 * **6:15:** Is 52:7; Ro 10:15 * **6:17:** 1Tes 5:8; Hib 4:12; Syg 19:15 * **6:18:** Lu 18:1; Kol 4:2; 1Tes 5:17 * **6:19:** Ro 15:30+; Kol 4:3; 2Tes 3:1

²⁰ Yau naghham Tiina toit aavo, ve navovotia saveeñ tooni pa tamtamon. Tauta tighur ghau naleep ila ruum to yavyavuun loolo, ve tikau ghau pa sen. Tauvene yam lolomim iveegh payau sov. Aghur ghau ila sunuun tsiam. Leso naroi sov, ve nayooz ariaan, ve navotia dudunai vaaru poia itaghon Maaron ngar tooni. *

Paulus ipasov saveeñ tooni

²¹⁻²² Tonvetaz toit Tikikus, i besoonja poia ee to Tiina toit Yesu Krisi, ve lolog igheen tooni kat. Yau nambaano ilat, lesa ipaes payam poi pa lepoghamai ve uraat tsiei, ve ipalot gham pa saveeñ siriv paam. *

²³ Yam tonvetaz, Tamaan Maaron yesuru Tiina toit Yesu Krisi aat tingin gham asov aleep poi, ve luuma toozi iza tsiam. Ve tipalot gham, lesa lolomim pa tamtamon ve agham poghani zi, ve aghur ila ariaan. ²⁴ Ve tamtamon tisov tau lolozisaghav Tiina toit Yesu Krisi ariaan na, poia tooni iza toozi taghon taghon gha ila. Onoon.

* **6:20:** Mbanj 28:20; 2Kor 5:20

* **6:21-22:** Mbanj 20:4; Kol 4:7+

Maaron Saveen Tooni Patabuyaana
The New Testament and portions of the Old Testament
in the Tuam dialect of the Saveeng language of Papua
New Guinea. The Saveeng language is also called the
Mutu language.

Sampela hap Buk Baibel long tokples Saveeng Tuam
long Niugini.

copyright © 2011 Wycliffe Bible Translators, Inc.

Language: Saveeng (Mutu)

Dialect: Tuam

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

PDF generated using Haiola and XeLaTeX on 11 Nov 2022 from source files dated 9 Oct 2020

adb844f0-d769-5b05-9dd0-7c01fca938bb